

四庫全書

集部

欽定四庫全書

集部

樊榭山房續集卷二

詳校官侍郎臣謝墉

助教臣常循覆勘

總校官庶吉士臣朱 齡

校對官編修臣于 鼎

謄錄監生臣汪致基

欽定四庫全書

樊榭山房續集卷一

錢塘厲鶚撰

詩甲

綸長敬身東扶次韻見和有招予卜居城南之
意仍用前韻奉答

千萬云賈鄰附勢別有見緬彼南村人素心皎秋練吾
鄉古城南取友洵多善何論天尺五不隔旬浹面戴君

罷微官生事尚流轉長吟肆滂葩令我欲焚硯丁君老
被褐玄圃懷玉片文雅終見疵揚意豈能薦張君清粹
姿藥樹託深眷妙語發哀彈未數空梁燕殷勤招隱篇
如以乘韋先東野若移家借車百事遣同巷古所敦誼
更重游串秋燈分讀書槭槭葉聲晏

三君招予九日六和塔登高風雨不果仍用前
韻奉寄

昔誦登高文天隨感所見何如采黃花閉戶顏自練選

臺非騎危趨山若登善浮圖插江潯越絕識真面攀緣
夙有約旋若蟻九轉擬學岑杜輩慈恩鬪詩硯零雨阻
游屐想見青一片茫茫招海賈曷月申藻薦枅栱麗新
營層壁繪天眷當願年穀豐風濤復清燕收穫如寇至
忍使屏翳先坐念班掾言抑塞不自遣溼歌待窓明愁
吟炙香串遐覽分既違湫隘甘侶晏

趙意林添構隱几山樓爲三層賦詩紀事屬予

次韻

經義注上宮明禋制重屋樓居自古然層構擇嘉木乃
有列仙儒思展千里目靜稽喻浩經一過不再讀般倅
恣麾斥重見四簷撲俯檻恣窺臨拔地獻蛾綠有如駕
飛鸞倒景互奔逐予生苦卑棲籬壁常局束手攬大滌
雲憶昔縱高躅十年墮塵土掬水難浣俗丹梯上更上
碧闌曲復曲飛翠落襟前脩然謝五欲看山不下樓有
酒願頗足何減南湖主羣仙誇繪幅

宋張功甫南湖園
中有羣仙繪幅樓

畫見江
湖諸山

危臺休宜三名園樂非獨爲語阮家咸繼聲寫

麗矚

謂令姪
誠夫

東坡先生墨妙亭詩殘刻十七字石齋黃公得
之琢其背以受墨名曰斷碑硯今歸桐溪汪氏
拓其文裝於冊來索詩

吳興太守珠湖客繕亭蒐碑聚名蹟誰其詩者長帽翁
鉤勒溪藤上樂石後來烏臺有追勘蔡奴之兄未攜撫
衆碑零落一碑存又復缺斷真可惜誰知此碑爲此硯
世間物化等兒劇漳浦黃公署名在箕尾中天映奎壁

文章氣節兩不虧汪子寶之永無斁

題汪近人煎茶圖

巢林先生愛梅兼愛茶啜茶日日寫梅花要將胸中清
苦味吐作紙上冰霜極敲門走送古梅枝索我煎茶圖
子詩此圖乃是西唐山人所作之橫幅窠石苔皴安矮
屋石邊修竹不受厄合和茶烟上空綠石兄竹弟玉川
居山屐田衣野態疎素瓷傳處四三客盡讓先生七椀
餘先生一目盲似杜子夏不事王侯恣瀟灑尚留一目

著花梢鐵線圍成春染惹春風過後發茶香放筆橫眠
夢蜨牀南船北馬喧如沸肯出城陰舊草堂

賦詩牌和嶰谷

誰將平水韻刻竹縱橫呈集韻以爲詩詩牌所由成如

彼伯玉妻盤中辨形聲其難各一字

韓詩六字常語一字難

其數

逾百名

儀禮百名以上書于策注名書文也今謂之字

區分忽陣合星列俄雲

行束縛窘意匠凌亂鬪心兵韓豪不得逞李捷那可并

諦視經營始落落疑殘枰脫簡類酒誥補亡待由庚耐

險劇登棧須滿呀填阮得雋亦偶爾取鬧真無情頃之
目光到手敏緣思精棄取判礮玉虛實歸權衡音通柳
卯讀意協猗那廣澀體篠駿亞餘韻瘀絮爭泥塗弄明
月枯枿擢芝英君家詩神王筆掉橫海鯨勺涔出變化
一一敵皆勅分曹破往例遞送同踐更複製詩牌詩用
以堅齊盟我媿才力薄壁上觀崢嶸身世等格五科第
任投瓊惟此文字戲見獵心猶傾和詩傳故事奚事鍾
嶸評

西顥歸自津門過訪小飲草堂有作

薄薄江雲正護霜客來踏破徑苔荒劇談往事同吹網
小喚村醪可過牆俗眼舉肥愁有例歸心破臘喜難當

直沽冰雪三年住釀得詩豪百丈強

吹網出
林間錄

十二月十七日夜坐

流光忽忽意騰騰顧影真如罷講僧行夜坊隅微有月
潑寒時節竟無冰向來朋舊空吟卷閒裏溪山付瘦藤
坐對梅花不成語十年孤負短檠燈

同廖徵西顯瑤圃放舟孤山探梅分得低字

先春水波動碧激明頗黎羣山盡倒影延緣葛嶺西歲
晏競錐刀甕天亂醺雞梅花冷笑人誰踏蒼苔梯風過
船尾住日薄林影翳斜窺冰匳色漸上寒梢低亭空撫
陳迹事往多觸挽同來看花客半作泉下泥我輩幸身
強濁酒勿厭攜吟袖訝染香醉墨爭題鷺巖城自難越
催歸鳥擇棲湖烟晚橫黛回首境已迷

除夕南湖草堂作

除夕今番景色饒輕陰門巷漸微潮出籬水影梅烟動
隔屋春聲燭燄銷慈母行年開八秩太平生世見三朝
野夫不記身名賤料理杯盤菜甲挑

白樂天詩行開第八秩自注時俗以

七十以上爲開第八秩芥隱筆記
禮八十日有秩故以八十爲八秩

正月三日南湖大雪用東坡先生清虛堂雪韻

以下
庚申

去冬晴暖草茁沙青蠅醜扇蜂放衙天公與物壓疵癘
預儲萬斛空中花除夕陰陰星斗晦玕盆樺燭明千家

元化迴旋謹歲始先驅風伯搖棲鴉奇寒特地作清瑩
一雪三日何紛葩樓臺高下若界畫林薄雜糅誰梳爬
老夫興發叫奇絕徑往古寺尋僧茶繞湖蹢躅看不足
出郭底須勞馬樞一峰竹外炯難寫籤排凍指徒興嗟
不如歸擁地爐坐內景一氣含朝霞

人日立春用壬寅年人日雪韻

佳節翩翩故作妍新詞祝向酒尊邊釵頭人勝兼春勝
鏡裏今年健去年大有城南刺船興行爲江上看花顛

苔痕尚積牆陰雪且殢重衾一醉眠

同麀徵敦復西顥曦亮北亭游西溪進舟西堰

橋望秦亭法華諸山晴雪

素色望不窮連峯出橫約懿此春霽初尚果汎雪諾寒
光到天淨日影穿林薄巖過首屢回灘淺舟時閣憶昔

探疎梅未逢飛霏落及茲剡中興凍損萬千萼

去年奇
溫梅花

盡放今春爲
冰雪所萎

勝事詎易兼清游聊可託下春對玉屏相

暖有芳酌

暮至西溪寫望

緣源遂輟櫂地冷人事幽翳竹見雪屋隔溪倚漁舟行
歌互相答平衍開閒疇林壑遠縹白貫以青瑤流落日
照東塢悄然思舊游童稚今始衰鬢茅不自謀有媿扶
犁子將事叱春牛

夜宿溪上巢翫月

卧具寄閒房溪響無時空童子香自焚幽夕起禪諷門
開徹月色潺湲正堪弄月午山風來蕭蕭松影動鳥棲

磧戶春雪護峰腰凍此時共林僧忘言亦無夢

晚入石人塢至粟山下看泉

初日照深竹微霜溼如煦東山氣稍和品壑此迴阻石

人不可即石杵杵何許

太平寰宇記錢塘粟山下有吳大帝石杵題刻尚存

惟有

空林泉鏘鳴自終古飛蘿濺輕烟灣碕漂翠雨泓泓惜
遠寫激激復新吐能令耳目清相與爲賓主

游張氏溪莊是鄒孝直河渚草堂舊址

蕭散悅事外鼓枻轉回源偶沿松下援遂叩花裏門萬

花盡萎香落粉空苔痕今晨山雪霽疎闌坐微暄藤格
穿窈窕莎徑銷塵煩水流過北牖岫列開南軒昔人隱
蒙龍寂寞道自尊時預緇素會偶隨樵牧言惛然撫遺
躅吹樓匪思存

晚過秋雪菴

斜景雪峰青容與來沚中春田渺無際碧流漫交通擁
揖忽生寒峭風吹自東鱗雲漾天影落日明復陰鐘梵
此時歇空香出浦深香門渡橋入魚鳥皆相識更上小

樓看澄心延暝色欲留苦不得輕波送客還村園何限
樹溪口轉多灣晚契真如理期水又期山

信宿溪上巢夜復大雪曉望有作

清寒山夢驚曉色上佛幌披衣俯高牖的皪帶林莽亂
迷荒塗蹤深罨春流響稍稍雜零靄冥冥失諸嶂昨來
渚上游復此邱中賞餅盂有妍淨松竹同偃仰寥寥觀
太空眩花本無象一庭虛白光湛寂生妙想

雪中西溪歸舟

興盡歸亦好野艇僅容膝推蓬山趣多肆目愁易失雲
雪相糝糊粉墨一蕭瑟橋危積未平簟深飄更密中間
五六人把酒兼散帙范寬與趙幹正復難下筆

題張情田種瓜圖

北垞南鄰路未賒荷鋤深隱不須誇鶴飛猶認孫鍾里
飯罷同尋步隲家十畝青山新戶口一牀斑管小生涯
畫圖只有長安許解寫縱橫五色瓜

圖爲許
江門筆

紅橋春游曲祝荔亭席上西唐授衣同作

客愁當春亂如絲挂在紅橋新柳枝主人官小肯愛客
載酒喚船波拍拍孟婆跋扈作餘寒玉簫吹過曲闌干
東陵飛下三青鳥女兒破顏鈿窩小繁華瞥眼徒紛紜
牛羊踏穿阿麼墳隔江山映殘梅晚招之不來殊偃蹇
主人勸客爲樂方陳郎叩舷發老狂高子哦詩妙五字
游魚出聽燈在水風花上已連清明有約更賦麗人行
杭堇浦編修以詩寄越香次韻奉謝

雲窓風味極深嚴遠致餘熏妙語兼詹事可容評甲煎

魯公未許續香籤春宵几閣勞相憶微雨房櫳好細添
因有辟寒燕玉在溫磨肯爲故人拈

以越香寄樊榭徵君

仁和

杭世駿

大宗

南湖雪月劇清嚴特寄名香百和兼拂去定應縈玉
枕屑殘猶得壓金籤重衾隔雨微微潤小榭因風續
續添知有閒情工繾綣苔娘纖手喜初拈

君侍姬
苔人

四月十九日葯山招同敬身西林集湖舫分得

人字

平湖清霽碧無塵來作遨頭也快人試挈櫻桃蜜棹小
更烹槐火石泉新鬢絲似我追今昔山色如君忘主賓
尚惜三潭涼月好不教迴櫂采香尊

韓晉公五牛圖

葯山攜示
書畫二種

一牛胡襴襜陰虹屬其頭隨意齧枯棘轉噉不肯休一
牛徐步得自由彎彎雙角二尺修考工有語牛戴牛一
牛植立不見尾黃鍾滿脰鳴聲牟一牛日高隴上晝耕
罷回顧齧舐吐舌欲飲陂塘流惟有一牛施穿絡得非

王鞅兼裘韜觸牆那解成八字奔馳不息知何求有唐
韓晉公名蹟今傳畱集賢官畫偶失收濟南別駕跋尾
道晉公功業在節鎮轉輸萬斛江淮舟爾時助國遏狂
寇首重力穡乃有秋烏捷白牯禁出境圖此無異聽田
謳廣桑山中悟夙世臣節終守繪事優幕客戴嵩早入
室遺筆不見令人愁君今百里攜示我故物知出宋商
邱竹垞詩妙珊瑚鉤我欲躡步非匹儔但當學取滎陽
褚氏相牛法烟蓑雨笠追逐碌碡村中游

賈秋壑玉枕蘭亭

元相胡椒八百斛賈相蘭亭八百匣權倖雖同嗜好殊
簿錄當時有常法褚書縮本三摩挲名以玉枕珍無過
援兵不救呂文煥武爵翻酬王用和猶傳石刻風流在
蟋蟀堂空長秋菜眼見神龍第一區與此滄桑閱人代
宋理宗下嫁周漢國公主於楊鎮以神
龍蘭亭爲第一奩見表楠清容居士集

移居四首

南湖結隱八年餘又向東城賦卜居頗愛平橋通小市

也多喬木映清渠杜陵突兀見此屋韓子辛勤始有廬
笑我天慵俱未遂不妨隨地狎耕漁

華髮蕭蕭漸滿顛可無清境著閒仙安排桑苧新茶閣
位置樵青贗釣船細雨連畦容緩步涼風動樹足幽眠

麋公祠宇今相並且逐鄰翁掠社錢

里有古社祀蜀漢麋公子仲

莎徑梅坪密復斜百弓堪作小園誇繞牆細數遲生筍
縛架親扶已卧花叢雜琴樽臨頓宅清貧眷屬伏川家
從人畫出村夫子舊事它時一笑譁

封軺前日斷知聞月渚烟林合策勲仰屋著書聊爾爾
閉門種菜漫云云驗時巢燕方新乳迎客昏鴉欲作羣
稍待芟除荒穢了一軒風景任支分

爛溪舟中爲吳南礪題賞雨茅屋圖

賞雨古今無表聖乃其獨詩品二十四此語最娛目滿
滿感舊襟點點量愁斛人言長安道不及王官谷君家
吳山陽亦有香茅屋清聲觸巖阿幽籟破林竹起攜玉
壺春引滿看簷瀑遠笑自雨亭天械已潛伏束書走淮

海圖經事攢錄故交施

竹田

與張

南

歸夢對牀卜一簾清

淨水佳趣難頓復何如雨美膳安居果吾腹

華嚴經云護世城中

雨美膳閭浮

提雨清淨水我初營新巢牽船過堰速逮此冥濛天溪

上梅子熟行與君周旋學舍苦偏跼展圖生懽悅蓬背
聽撒菽雲波尚蒼茫且就鷗邊宿

甲寅秋杪有過平望懷王載揚詩丙辰同被徵
相見於都下今年夏五重會於邗城僧舍載揚
用前韻見贈再次奉答

幾年分手輭塵紅重見江城樣釣蓬賀老清狂尚吳語
杜郎雅麗是唐風朱門冷炙三生夢禪榻茶烟一禿翁
爲話舊游姚與鮑

玉裁文學
西岡明府

玉湖遠隔水雲中

原作

吳江
王藻

載揚

幽蘭初吐夕陽紅喜值吟仙駐短篷京洛飛塵同昔
夢江湖聽雨見清風一聲鐵笛東維子幾闋香詞白
石翁更誦移居新製好幾時傾倒草堂中

秋江行

秋陰如墨渲尚輕秋江如練熨始平秋風遭之鱗甲生
隔水婉婉秋山橫秋蛾凝碧怨已盈秋帆一片破空去
下有秋士與目成日向天涯飽塵土何如賞此崢嶸蕭
瑟之秋情君不見秋江行

七月十七日病起小園作

是日白露
田家忌雨

青林曲渚迴塘卧起西風竹牀小雨不妨白露高雲忽
轉殘陽銷除肺病無暑暱就心情已涼正有餘閒弄墨
籬葵浥浥新黃

白秋海棠

瓊姿不著一分肥
如此幽閒絕世稀
當戶金星開曉靨
下階涼月曳秋衣
望來甘后風神似
愁到班姬笑語非
只有流螢信孤潔
夜深常傍短叢飛

偶出

偶出天陰淡城隅
地靜便涼雲竹枝
外秋水槿花邊陡
覺衣棱薄回看笠
影偏無人見行跡
幽意若爲傳

秋爽

古堞連秋爽迢迢入遠空
年光伏枕後人事杜門中
桂氣熏殘日梧聲墜晚風
同時榮落意吾欲問天公

南鄰桑屯田弢甫見訪兼和移居詩輒賦五言

用酬雅貺

窮居蔽泥水車跡過從稀
避俗翁今是棲仁里可歸

沈約

郊居賦僑棲仁於東里

牆低聞雉誦門靜接深衣
自此陶嘉月聯

吟願莫違

曉望

徙倚東臯上微寒欲衣

去聲

緜遙山著秋瘦小沼得風漣

半落鳴機月連晴曬穀天病身仍健在一飽頌豐年

西林招看菊小飲分得開字

子有東田屋西風幾度來看雲穿徑遠緣水到城迴紫

蟹依方釣黃花爲客開醉醒無不可肯學俗喧

沙河蟹以

釣獲

之

九月十三夜月

夜靜樓陰直蕭寥犬吠闌江聲喧歲稔霜信壓秋殘桃

葉經教誦巴童藥遣丸無眠五更轉隙月近人寒

杭俗以潮

大爲有

年之兆

冬日同友人集倬雲禪師方丈

故林初起疾謝寺復相逢落葉徧深院寒雲過斷鐘淨
蔬充一食鄉思在諸峰別去經龕閉安禪禦凜冬

同西林游水陸寺追和東坡先生韻

笑指東坡宿處村卅年重打老僧門詩中修竹還依舊
劫外疎花又逐魂龍攫何年香殿壞烏啼向夕石幢昏

歲殘真有幽居味喜得龐居士共論

鄭筠谷招飲書帶草堂同張南漪作

焚魚卻賦遂初衣卜築東臯願不違湖上青山如有約
京華白髮幾人歸舉杯中散情偏洽撫足梅公歎亦非
時以足
疾得告
猶有舊時耕釣伴遲君西崦筍牙肥

集小山堂食熊掌作呈谷林

熊肥壓蛙瘦長吉語難兩高齋集吟朋云此自遠餉駢
指含淺臙舐痕隱其上厨娘縷切餘無復攫拏狀平生

所忌者持付食肴將筆以筍菌甜調之用重釀馨逸魁
羹材箸起未肯放遐思深山中是物最神王傾崖恣咆
嗥豐草供跌踢拗樹有餘怒擘人定非妄導氣通仙經
善蟄隱寒嶂屈伸義或備肘腋踈周防是何雞狗輩碌
碌齋得喪雄姿墮鼎鬲罷食爲惆悵

新正五日將赴西林臯亭探梅之約晚晴志喜

以下

辛酉

已見雪爲雨天教五日晴閒惟覓禪伴老更勇山程晚

色鈎簾淨春泥曳履輕花風吹第一明發摘船行

沈家塘舟中望臯亭作

飽聞臯亭幽梅花若香海彌年扁舟意故人肯相待況
多古來迹出郭興已倍密竹沈崧家長川伯顏壘蕭散
且同羣興亡渺千載紛吾愁霖霖旭影一峰在頃之風
寒霽好事煩真宰鳥下翠微明林開宿雲改去作詠花
人庶無後時悔

繇金家堰入臯亭西麓至崇先寺寺爲宋顯仁

韋太后功德院

石路風輕逗嫩寒，繁花遠近幾千攢。
花明正要微陰襯，路轉多從隔竹看。
春似合江堪載酒，羯來古寺記迎鑾。
誰知當日龍沙恨，不見吹香到地殘。

太后北歸曹勛
作迎鑾七賦

過橫山飯伏虎禪院

榔栗橫拖去，登臨不用扶。
寒香接天影，嵐色上花鬚。
饌淨僧分供，庭空客與娛。
平生到難處，結習付圓蒲。

入桃花塢至山半觀龍潭中有蜥蜴數頭咸淳

臨安志所云水甕也

盃裏何年咒蜿蜒入厨剖竹走涓涓癡兒不識神龍宅
只道山中一斗泉

中塔院禮真歇禪師塔

靜院無人迹看碑拜蜀僧過牆禽動竹開戶鼠翻藤寂
滅超諸相安閒得上乘依然蕉葉塔誰更續心燈

訪桐塢安廬爲明慧文法師隱處

不見臯亭慧法師

李先輩
長蘅句

孤峰幽澗若相期前身明月

今應是修到梅花定幾時半百已知逢世拙十年真悔
入山遲試參金粟堂中影待我重來照鬢絲

暮投徧福寺宿楚水禪師方丈

西峰日落東峰昏游人迤邐沿山村烟中問路得樵叟
青蘿一徑穿頽垣怪禽啼處明佛火新月照地如無痕
跳岑左右出林表參旗井鉞歷可捫千年廢殿作蔬圃
把茅蓋頂三間存龐眉長老我舊識道韻簡淡顏清溫
草屨峭緊久不用舌挂屋壁空無言繩牀畱客意頗厚

泉淪性海通真源睡蛇此夕自遠去前塵何足勞夢魂
千花玉雪亦可念坐待窓紙烘朝暎

人日泛舟至龍居灣遵山徑入永慶禪院用韋

蘇州藍巖精舍韻

船子俟前灣路緣松色上複巖始成誤偶遂登高賞一
公昔經營流水如在掌

院爲明一濂上人所創

層層蒼翠中梵宇

開虛敞前人舊游處我輩自來往門閒花氣深山空禽

語響遣俗暫徘徊懷賢成俯仰

李長蘅有宿永慶步月詩

同鄭筠谷河渚看梅宿鄭雪岬北渚草堂

迢迢小籃輦直至木橋旁晴雪一溪影白雲千嶂香偶
逢谷口隱如過藍田莊沿月櫂歌去梅花夢不忘

同筠谷太虛上人游花塢諸精舍十首

精進林

敷坐是何處蒼雪圍青霞禪心如定水中滿七淨華

法楞菴

當年避雨至白氈寫經寮門外翠陰合泉聲飛出橋

六齋

幽篁不見天月出影穿漏照見齋榜題三點無新舊

在澗菴

在澗復在阿香閣橫空起澗水落天光時明疎竹底

憩錫菴

泠泠金策聲挂在春浮樹應被樹神畱不復更飛去

眠雲室

風磴折而上雲深年復年佛屋春寒峭覆以兜羅絛

樹雪林

澗東清磬發隨風過澗西離離覆澗梅已落開未齊

谿飲菴

斲苔傍溪居春來泉脈動喧寂兩俱忘風瓢聊可用

雲巢

經臺烟籜翻定石風枝掃一片綠天中消搖除熱惱

實相菴

結茅在峰心杉竹蔽如舫茶烟去復還復颺孤藤上

小圃手植紅梅始花賞以長句

青羊宮路絳霄春，入骨陽和信息真。只合移根從小市，

不知何處有雙身。

二句皆紅梅事

砂丸竹外紛誰擲，丹的風前

染乍勻。一點微酸如可托，不辭花下酒杯巡。

筠谷見和移居詩，有聽雨並宜東郭住看雲各

就北窓眠之句。筠谷新宅亦在東城，再用前韻。

奉贈四首

燕鴻蹤跡十霜餘，誰道今來慰索居。蒸朮烟深雖隔巷，

澆疏水遠亦同渠
囂塵以外偏離市
廉讓之間穩結廬
何事報章頻往返
不過文史當佃漁

置身曾在閬風顛
得請人稱是散仙
拓地醉鄉新立戶
掀天宦海早回船
忘機鷗似添佳侶
無事雞難喚熟眠
聞道高樓收遠翠
幾曾輕費見山錢

縈紆古堞路橫斜
叩竹輕扶健可誇
舊日掌痕驚夢草
老來腳疾愛尋花
食單不用門生議
步履常過野老家
每坐草堂談娓娓
隔籬人在寂無譁

蠶觸紛爭百不聞
陶泓日日共餘勲
玉堂故事歸田錄
委巷叢談灌圃云
慧業君參無上法
衰顏我避少年羣
敢言二老成來往
聽雨聽風或可分

杏花下感春作

新暖殘寒薄綺櫳
花枝刺眼寂寥中
初來燕子窺妝面
不動參星照小紅
已倩含桃作房老
何須芍藥號崖公
只消春雨江南意
手把霜絲對晚風

題芮衣亭觀察望雲圖

芮公秉淵粹吏治飾儒雅理劇無全牛撫循去害馬自
從迂上官未得歸白社辨銅如令丞奔走靡九夏海濱
兩黃髮久缺獻春竿安輿迎莫致悃脰意聊寫望雲興
叱馭知無二心也

鄰牆杏花和桑欒甫

韓公謫江陵見花憶京輦我從學圃餘種杏遮老眼一
枝頗橫出風味極嬌軟卻窺鄰翁牆暈臉本同產匹如
大小喬東風嫁各遣脈脈抱單愁盈盈欠雙撚故人過

題句語妙不容選豪家玉闌空苔沒爭春
楊美物詎同歸妾心聊爲翦小立斜陽裏
詩成一笑莞

來詩有豪家玉闌空過眼

成小劫之句

二月十三日雨中書事

僻巷無人到荒溝繞舍分雨多春半過
盡怒夜深間徑草全侵屐林花亂入雲
誰云作詩苦終愧織簾勤

湖上效嬉春體次南礪韻二首

經時未識西湖面況復勝侶招春遊
行雲不礙梅花嶼

新水初生蘭葉舟玉局風流那可見鐵崖故事誰當修

山眉波眼故常在過卻嬉春也逗畱

孤山梅花嶼明張望湖副使別業也

今酒樓
仍其名

今年好春半風雨綠勻紅溼動湖光聽歌緩緩懷遺俗
屢舞傲傲恕老狂兩高峰頭人上冢三天竺國女焚香
更話前朝夜游樂花上燭龍波底翔

同家人輩奉老母小飲桃花下作

園林雲霽曉風高扶掖童孫不覺勞百葉花宜娛白髮

三升酒易典青袍上書久謝東方朔結網深憐北郭騷
惟願年年小寒食綺霞圍醉坐週遭

杭郡庠掘地得蘓文忠公表忠觀碑宋刻二片
唐政不綱四海淆朱三作賊過於巢鬪雞牧馬盡黃屋
羣雄並起爭咆哮錢王兩浙爲保障職貢世守橘柚包
百年運去識真主自攜圖籍歸汴郊歐九思公幕下客
何事作史相譏嘲竊觀私誌簸錢謗酬以尺喙非叟叟
表忠賴有坡公筆文如月表楚漢交大書突兀扶屋極

餘力入石蟠生蛟誰知楊璉築白塔塔材蒐索填深坳
淮南張氏又拆毀新城摩雲防寇鈔是時四石僅存二
有人寶惜埋東膠靈芝荒苑轟祠宇伐山置棟豁且摩
墨本重摹失道勁匹如蹇足追蒲梢

今碑爲明嘉靖中
太守陳柯重刻

忽驚故物仍出土園丁奔告鴉背拋學官弟子共太息
苔痕橫卧鄰齋庖千金已免柱下辱野火幸無牧豎敲
報功復古有位責移貯祠廡蹇長筴豈第君子神所勞
春秋享祀和弦匏

三月五日小園偶成

三月五日新雨晴愛向閒園樹底行不知春水夜來長
但見落花風外輕紫筍參差看作竹青梅磊落欲攬櫻
道人坐閱韶光老嬾與塵中歲序爭

題東坡先生雪浪石盆銘拓本即用雪浪石詩

韻

中山奇石猶雲屯蘓公筆陣書林尊回環屬讀有奇趣
如月照壁難霾昏當年礲材久摧落雨淋日炙眠沙村

偶然寓意在鄉土便如雪浪爭夔門九華明窓未能買
一顰眉綠偕銷魂人間貪著盡幻妄要須禪喜窮荄根
不見宣和築艮岳峰巒萬態金填痕汴園日急取作礮
世事變化安可論靖康圍城時取艮岳諸石爲礮見三朝北盟會編摩挲已似
銅狄話拄杖誰窺玉女盆如公偉人不可見只有文字
千年存

嶰谷以曲竹杖見贈

九節仙人杖鏗然脫贈奇曲能存直體瑩可刻新詩添

得閒家具畱爲老護持塵中不肯用台宕有前期

夏日卧疾誠夫惠杏酪一器作此謝之

鵝王乳色白勝酥仙杏爲漿雅稱無寒食和飴傳故事
鼎娥候火費工夫口香三日驚猶在肺氣兼旬覺頓癯
珍重攜來情不淺食經端爲起詩癯

六月十五夜納涼作

停待江城暑氣清鐘疎漏斷欲三更月明不見星河影
夢醒微聞梧竹聲爽處身疑作寒玉慵來心未憶秋繁

空簾小院無人到起看盆荷帶露傾

立秋日苦熱

閒居節序任推遷無奈炎歊尚有權
鬢畔一年秋又到望中六月雨空傳
呼雩故事煩官長病渴心情夢石泉
幸甚發狂非束帶桐陰赤腳故蕭然

以香櫟送西林系以長句

不羨龍涎出嶠南香林作狀補稭含
橘官淺俗難同調桂子芳辛許共參
絡斗帳中醒夕夢供橫幅畔對朝嵐

西風入手微黃處寫寄新詩海岳蒼

送奕聞計偕北上兼簡令兄堇浦

北風吹雁度黃河南客偏教席帽馱都講才名吾久識
文場秀句子偏多聽雞曉榜開黃燭走馬春關試杏羅
棣萼故人如問我邱園近日自成科

歲暮二詠

典衣

青鏡流年始覺衰今年避債更無臺可知子敬家中物

新付長生庫裏來半爲閨人償藥券

時朱姬病甚危

不愁老子

乏詩材敝裘無恙還畱在好待春溫臘底回

借書

歲闌百事不挂眼惟有借書聊自怡燈炮風宵親勘處

篝香霜曉手抄時里中今得小萬卷

東都事畧朱昂篤學人目爲小萬卷

謂趙子誠夫

貧甚我慚無一甌舊史臨潢新注就不知誰肯

比松之

時注遼史成

沈椒園侍御寄和移居詩用韻奉答四首

當年挹袂早春餘，曾訪臯園水竹居。
竚聽歸鴻過別館，閒隨芳草繞通渠。
贈予朱老枕中祕，卻返白牛涇上廬。
癸丑春，晤椒園于杭，以朱性父珊瑚木難爲貺。從此浮蹤忽南北，恭聞尺一起。

樵漁

長安秋述欲華顛，回首羣公盡列仙。
八月星河虛賣卜，三山風浪枉乘船。
修門又是攜書別，東郭堪容抱甕眠。
自向鉏瓜問消息，不須籬落望飛錢。

傳來佳句字欹斜，詩室東陽儘意誇。
藥樹班行依曉日，

茶廳滋味汎輕花幾人動色觀封事四韻寒香壓作家

應是本師查長老令嚴壁壘寂無譁

謂初白先生

書題遼濶念相聞隔歲方酬子墨勲卧上下牀豪氣在

住東西屋古人云

謂令兄房仲

梅花溪月縈清夢白鷺汀舟

有故羣直待許身公事畢數椽漁舍與君分

君有卜居西溪之意

樊榭山房續集卷一

欽定四庫全書

樊榭山房續集卷二

錢唐厲鶚撰

詩乙

悼亡姬十二首

并序 以下壬戌

姬人朱氏烏程人姿性明秀生十有七年矣雍正乙卯
予薄游吳興竹溪沈徵士幼牧為予作緣以中秋之夕
舟迎於碧浪湖口同載而歸予取淨名居士女字之曰

月上姬人鍼管之外喜近筆硯影搨書格畧有楷法從予授唐人絕句二百餘首背誦皆上口頗識其意每當幽憂無俚命姬人緩聲循諷未嘗不如吹竹彈絲之悅耳也余素善病姬人事予甚謹辛酉初秋忽嬰危疾為庸醫所誤沈絛半載至壬戌正月三日泊然而化年僅二十有四竟無子悲逝者之不作傷老境之無悰爰寫長謠以攄幽恨

無端風信到梅邊誰道蛾眉不復全
雙漿來時人似玉

一箇空去月如煙第三自比青溪妹最小相逢白石仙
十二碧闌重倚徧那堪腸斷數華年

門外鷗波色染藍舊家曾記住城南客游落托思尋鵲
生小纏絲學養蠶失母可憐心耿耿背人初見髮鬖鬖
而今好事成彈指猶賸蓮花插戴簪

悵悵無言卧小窓又經春雪撲寒缸定情顧兔秋三五
破夢天雞淚一雙重問楊枝非昔伴漫歌桃葉不成腔
妄緣了卻俱如幻居士前身合姓龐

東風重哭秀英君寂寞空房響不聞
梵夾呼名翻滿字新詩和恨寫迴文
虛將後夜籠鴛被留得前春族蝶裙
猶是踏青湖畔路殯宮芳草對斜暉

姬人權厝
西湖之南

病來倚枕坐秋宵聽徹江城漏點遙
薄命已知因藥誤殘妝不惜帶愁描
悶憑盲女彈詞話危托尼柑祝夢妖
幾度氣絲先訣別淚痕兼雨灑芭蕉

一場短夢七年過往事分明觸緒多
搦管自稱詩弟子散花相伴病維摩
半屏涼影頽低髻幽徑春風曳薄羅

今日書堂覓行跡不禁雙鬢為伊皤

零落遺香委暗塵更叅繡佛懺前因永安錢小空宜子
續命絲長不繫人再世韋郎嗟已老重尋杜牧奈何春
故家姊妹應腸斷齊向洲前泣白蘋

郎主年年耐薄游片帆望盡海西頭將歸預想迎門笑
欲別俄成滿鏡愁消渴頻頻煩供茗椀怕寒重與理熏篝
春來憔悴看如此一卧楓根尚憶不

何限傷心付阿灰人間天上兩難猜形非通替無由覩

淚少方諸寄不來，嫩萼忽聞判猛雨。
春酥忍說化黃埃，重三下九嬉游處。
無復蟾鉤印碧苔。

除夕家筵已暗驚，春醪誰分不同傾。
銜悲忍死留三日，

愛潔耽香了一生。難忘年華柑尚剖，
瞥過石火藥空擎。

祇餘陸展星星髮，費盡愁霜染得成。

姬人歿之前一夕，索予擘溫柑尚食。

其半

約畧流光事事同，去年天氣落梅風。
思乘荻港扁舟返，肯信妝樓一夕空。
吳語似來窓眼裏，楚魂無定雨聲中。

此生只有蘭衾夢其奈春寒夢不通

舊隱南湖渌水旁穩雙棲處轉思量收燈門巷收微雨
汲井簾櫳泥早涼故扇也應塵漠漠遺鈿何在月蒼蒼
當時見慣驚鴻影纔隔重泉便渺茫

小園杏花一株去年頗盛今春月上亡後葉發
而絕無一花因用舊韻志感

乍晴時節舊房櫳尋徧交枝曲逕中燕識簾空全不語
花知人去故藏紅香銷夢斷真憐汝酒冷燈昏故惱公

為怕易開還易落休將怪事怨東風

清明日過朱姬湖上權厝

怕近城南路扁舟又暫停落花知別恨荒草酹幽靈往

蹟六如偈纏哀百悔經瑤情兼玉色為待拾遺銘

陳子昂館

陶郭公姬薛氏墓志銘云姬人幼有玉色發于穠華聞羸臺有孔雀鳳皇之事瑤情悅之

二哀詩

汪青渠

文酒極流連論交三十年毀家因任俠失意託嬋娟竟

傍要離家難歸范蠡船隻難何日奠春樹隔吳煙

余葭白

淮海無雙士風流見未曾詩中語盤硬醉後興飛騰雪
屋貧留客秋房晚類僧聞歸襄漢艇老病失心朋

雨夜舊房二首

夜半殘春雨空樓遠響哀因成合衣寢夢索寓錢來惑
溺通人誚淒涼宿世該去年當此夕正把訴離杯

猶似昔離居夜雨空帷處淅淅不同聽沈沈隔何許柔

鄉謝慧男退相驚天女茹恨待平明殘膏出飢鼠

午節貧甚致甫冒雨以白金十兩假我賦此奉

謝

風蒲煙篠翳茅堂著屐誰知水部郎三日雨來愁不絕
一流銀外義偏長授經力養分華黍裹飯深情過子桑
重比木瓜何以報但將輕薄笑人忙

題姜學在畫松為鮑西岡運判作

萊陽姜仲子矯矯清節後獨持桑海身畫松只畫瘦矮

紙氣屈蟠踈影漏，出竇勿矜干霄意。乃為般爾宥題字，
不滿幅，筆勢若篆籀，對之神魄驚慘澹。見寒秀裝堂，沒
骨花遠笑荃熙陋。

題西岡小簇園圖十二首

在長興
縣署

坐樾軒

密林古城隅，退食風蕭瑟。美蔭願有同，崇情寧自逸。

兼山磴

登山聞古言，徐行則不困。山上復有山，拾級取諸艮。

博山臺

林端出延檻四面皆雲山遙見夕陽遲茶人顧渚還

鑿坏洞

通明肖月窟只在垣一方清時非嘉遯吏隱何相羊

俊逸亭

秀微詩品惜奇矯詩評許君家亭子楣只署杜陵語

鍾嶸

云鮑明遠才秀人微故取淹當代敖陶孫云鮑明遠如饑鷹獨出奇矯無前

前度軒

閱人非傳舍觀我得安居依舊桃花笑春風未肯疎

劉郎泊

軒標前度號泊用劉郎名飲水如有意重來淥更生

宛宛邨

人語落空波游儵自環繞彷彿石魚湖歷歷坐洲島

萍牀

舟名

小有江湖樂舟居如屋裏偃卧看萍星箇箇生九子

停橈館

吹笛出菰蒲延緣思小住水北望花南自有留人處

梯槎

浮槎半卧水春至葉青青倒浸明河影縱橫犯柳星

木偶峯

水沈旖旎山十步懷芬馥試參枯木禪臭味亦自足

曉行裏湖作

湖中妙清夏拂曉破林霏十里露荷影四山涼翠圍籃輿度空輦白袷透風微過盡西村路初陽射釣磯

過集慶寺弔閻妃冢

香門零落水松牌一種承恩事已乖
猶勝鸞綃燕地去
蓮花國裏葬金釵

靈隱寺訪巨濤禪師次沈丈樗崖韻二首

不爽西山約雙旆此竭來高林行障日
陰洞坐侵苔地
似蜂歌接禪參鷺子回千年翠微裏又
涌幾樓臺

漫學談天客同尋出世人
茶瓜除熱惱水石見清真
憶舊翻如夢哦詩捷若神
肩隨伐薪後可許悟身因

金少府人卷二
尋呼猿洞

荒塗轉風榛奇勢出重甌秋漲礪善崩石剝去年蘚梧
竹散涼陰不憚雙足繭何處問山公洞深草誰剪

新菴

小院竹聲合僧雛進茗時壁間鎖子挂閑覓故人詩

泉脈

通牀下竹聲清夜分子友
馬四佩分宿新菴句也

偕秋閣

檻俯峯前堆藍曳煙山靈事古竹密秋先一坐傾晷重

游判年旁行寫葉聖畫開蓮

閣中有貝葉經一玉明慈聖太后賜九蓮觀音像一

軸

松靄山房

垂蘿絕壁明晝燈我來亭午無炎蒸上方佛面如滿月

平地松影疑層冰八分門榜百金直

松靄二字扁朱竹垞太史八分書

六時茶板諸天稱白公有語即吾語他生願作此山僧

初秋有感

一室呼童淨埽除流塵深鎖半年餘履綦聲已銷閒砌

粉指痕猶印故書命似涼蟬偏易斷情如暮雨肯教疎
驚心振觸傷心候正是苔姬秋病初

次前韻

閒情悲思總難除已是行年半百餘花上露傷黃子句
石間字感結之書風簾舊愛通頭爽月地今疑入夢疎
腸斷曲闌行立處道妝不見厭禳初
宋黃子思哭愛妾
宜哥詩恩同花上
露留得不多時見能改齊漫錄白香山詩太湖石上
鐫三字十五年前陳結之結之香山妾桃葉字也

食鰯魚

一尺銀鰯美東河亦水鄉躍時過暑雨肥處近秋光收
得西施網調成介象薑吳船通酒市風味付厨娘

題姚敬直西塞山居圖

吳興多勝游謙之未排纘

山謙之有吳興記

城西西塞山地僻

趣蕭散失笑經鉏翁標舉迷町疇

倪文節公經鉏堂雜志以菱湖一帶遠山

為西塞誤

羨君好家居青竹扉可款漁灣占風月小住有佳

伴

宋錢叔謙別墅在湖州西門外地名張釣魚灣即張志和釣游處水亭三間名漁灣風月見韋居安梅磧

詩話

雙明遙睇外一碧春水緩參伍峯尖圓影出葭莢短

至今白鷺飛桃花忽遮斷詰兄蓮莊圖我昔題句滿平
遠與此同妙處欲兩袒元真凌波去事往年莫纂適意
貴當前興發不容嬾雲山韶濩音非君和者罕會須共
扁舟任世怪疎誕

答姚玉裁庚申秋日入黃鶴山見懷

十里秋松瀉暗泉參差游事又三年著書未遂名山志
纔說幽栖一悵然

原作

姚世鈺

游記曾披畫不如筍輿香篆路迂徐與君同有幽栖
志黃鶴山中好著書

秋曉入西山訪沈丈樗崖於靈隱同游冷泉亭
觀水兼呈巨公

秋山雨後風淒淒山雲開合無端倪橫衝橋下亂泉發
筍輿徑度尋幽蹊宣城老人腰脚健約我茶器相提携
此時巖樹交冷碧帝青寶網窺天低一亭靜觀水石怒
聲聞證果醒塵迷倒流卷雪那可畫起誦三峽坡公題

山僧小疾示止觀梭鞵不下安禪棲陰沈雨意又復作
欲別未別愁霑泥安得仙人縮地術移取潺湲置我西
牆西

和吳敦復題重得先人舊藏宋刻丁卯集後

今人號知書事簡效頗速揣摩盈尺編姓氏春官錄翩
然毗天門高步嘲宿讀我友繡谷翁種學恥徵逐盡出
橐中金萬卷購連屋述作資見聞校勘窮反覆同心有
數子牽連乃到僕渠成亦泰利借寫誇眼福剪韭論深

宵對榻就家塾每歎津逮難散亡思並蓄翁俄為飛仙

墓拱十年木有子能繼之衣食自節縮蒐羅及叢殘更

續西齋目

唐吳兢有西齋書目

昨去長安游閱市淚滿邇詩題丁

卯橋手澤喜重復紛紛紉絢兒膏粱果癡腹諒哉坡公

言如倚几折足

東坡詩世家不可恃如倚折足几

插架本無多易炊只

供鬻凌雲當一笑知勿恨雌伏

中秋夜感舊

疎簾髣髴見明姿碧浪湖頭月出時正泐寥天無處覓

最團圓夜似來遲鍾陵甲帳淪前謫魚嶺遺衫斷後期
折得秋花香在手鬢雲猶記一枝垂

九月三日曉行西馬塍作

行過馬塍廟背湖西復西天清山色近曉冷葉聲齊秋
水苔川似荒煙菌閣迷幽偏詩易得不盡古今題

南宋
苔川

宋伯仁寓居西馬塍有西塍臺
元張伯雨有菌閣在西馬塍

重過南湖有感

路近南湖已怕行舊游無處不傷情翫梅小院疑前夢

聽雨間房似隔生
衰鬢照來秋水碧
愁心敲破晚鐘清
空王應念迷家子
一縷天香即化城

書沈約宋書後

門外常停貴客車
一生餅鉢托京華
黑衣宰相人間少
著論翻教毀釋迦

寄題蔡效清竹寒沙碧山莊二首

在武康餘英溪上永安山

之麓

攜得琴書住翠微
不關人事為無機
禽聲似聽前溪曲

雲影堪裁大布衣生壙預題當樂死浮家翻笑竟忘歸
竹寒沙碧幽深處添種梅花雪四圍

清溪逸士地行仙抹月批風不記年愛選好峯撐屋角
別穿流水入階前少霞字重新銘在東野居荒古井傳
想見嘯臺高幾許待將詩句問青天

抱雲峯

并序

敬身得靈壁石高五寸許數小峯環峙其下中窪如壑
最高一峯上有白脉縈繞而達於背髻髻雲氣也叩之

聲清越良久乃已予為名曰抱雲峯時敬身小疾初起
又得宋高孝兩朝賜楊和王御札墨本所襯紙是至正
間海運冊子皆希代之玩也好事而具鑒識往時里中
前輩人無如敬身者敬身索予詩乃用元遺山賦武伯
英雲巖詩韻以遺之

幽人病起學鍊顏江村寒寂鴉影還帝遣靈文傳十賚
先以泗濱之硯山似聽松聲吹壑底森然卻立丁香鬼洞
天一品未足奇劍倚千尋令公喜

米元章有洞
天一品石

玉女

衣披巫峽雨胡桃文決青泥髓客兒有句寫幽抱笑殺

巴音歌下里片帆欲往搜湖嵌君今繞案浮煙嵐吳興

風篴響清絕漫費琴絲竅碧巖

趙子昂以絲絃繫太湖石兩竅立之齊前風過

有聲如琴名風篴石

我媿心魂未齊被螺子應為賜湯沐故家好

事譜空青無此玲瓏袖中物

五代李贊華有奇石一峯目曰空青府

閉戶

看山道自尊出岫已嬾如幽人雲根莫道慳膚寸望拜

三峯禮七真

鮑貞女挽詩

地下仍歸妹人間免嫁殤仙娥宗鮑靚奇節邁共姜置
筵因君舅勞心撫小郎休言孱弱女生氣凜如霜

湖樓題壁

水落山寒處盈盈記踏春朱闌今已朽何況倚闌人

種蘆次趙谷林韻

詩人寄興屋三間移植蘆根為破顏底用評花十戶賦
偶然弄水一冬閒筍抽春味無過淡葉戰秋聲只守孱
敲枕便成孤艇夢梢梢瑟瑟暝忘還

菽乳和許初觀

巷南有髯許高情薄侯鯖袖出菽乳篇不異月旦評觀
縷衆饌法語妙朱絲鏗吾聞古緯書豆為靈殖精漉之
塵垢淨礪之風雨并囊壓粗滓去勺攪流膏澄炊若馬
酒熟凝以鹵汁瀕餘甘滿匣棄素質盈箱盛日中吐嗟
辦用佐蔬筍烹淮南好道術方士趨虛名黃金不可鑄

遺誤劉更生但傳服玉方千載猶施行

虞伯生豆腐三
德贊云肘後服

玉舊
有方

瞿曇全其慈菜蕪盆其清惜哉柱下相齒落無堅

城當時未暇此致煩諸嬖嫫我老滋味薄杯案焉取贏
才媿東家子無能發芳聲泚筆聊繼詠口福徒營營

題王麀徵義橋村齋圖四首

攻文惟汲古羣笑不逢時屢罷三年舉翻為一卷師書
聲穿樹響人影過橋知瀟灑吾廬似斜陽入硯池

閉戶焚香坐深憑地主賢課餘看藕蕩飯飽步秧田里
社碑能作村齋句必傳圖中小平遠風物憶斜川

蔡邕
有庫

上里社碑村齋遣事
詩金人黨懷英作也

小學今多廢閑居世可逃蟲魚箋爾雅草木注離騷有
暇談農事無人見緼袍相尋應不遠河水劣容刀

腹便君自得影質久相忘婉婉諸童子清清此草堂缸
開問字酒牢卧束脩羊歲晚歸期近眉間色正黃

津門查蓮坡和予移居詩四首遠寄次韻奉酬
風煙迢遞兩鄉餘遠道何由接起居寄訊但憑雙鯉腹
將詩好敵百車渠宵來半面通清夢海內詞人問敝廬
強比成都一區宅那知身擬老為漁

神妙秋毫欲到顛水西莊畔有吟仙襟題柯古初編集
琴訪成連賸刺船丁字沽分帆歷亂角飛城對草芊眠
討春衝凍相思句傳唱江南直萬錢

君家水西莊有數
帆臺攬翠軒枕谿

廊諸勝衝凍每尋孤興寺討
春時上暗門船來詩句也

我住城東小徑斜知君也入昔游誇當時失把林中臂
幻境如飄席上花變姓不隨齊范蠡舊人誰是魯朱家
新來見說耽禪味手寫楞嚴浣俗譚

擾擾輪蹄已習聞達人自著百年勲飛觴坐上知無數

拜爵田間不復云驟雨新荷催度曲青天明月惜同羣
為君傾盡金壺汁他日蠻牋更待分

谷林和予菽乳詩令子誠夫亦繼作兩篇並示
詞義兼妙用前韻為答二首

通腸僅脫粟醒酒需佳鯖美惡舌三寸過此奚煩評儒
生例說食金石侑鳴鏗屑豆與熬豆經術俱研精誰令
為此乳淋漉原泉并截肪白未喻挹漿甘而澄持餉衛
霍室幾逢薄怒頰彭亨盜囊腹詎肯半菽盛天水賢父

子句法妙煎烹朋牋遣伾遞澹泊如自名野夫久習嬾
著論師養生榆瞑旦則重復恐妨游行愛茲玉液鍊毛
骨資輕清經年抱愁疾寒影依江城調羹憶葱指零落
傷閨嫔塵滿舊屏障悼亡詩最羸往尋鍛磨齋夢覺香
梵聲一洗綺語債淨饌先經營

有梁劉孝儀食愛具溪鯖五侯與九伯匕箸供閒評量
腹節所受年可齊彭鏗奈何蜀黎祁不預膳品精仲殊
禪林秀每令蠶糖并谷神濯垢膩胃似水月澄或點松

葉碧或糝薑芽賴當其入市初合伴筠簋盛此族徧燕
朔不止誇南烹固宜儒者餐而獨以腐名雍雍魏三士
踽踽魯兩生風味與之肖迂緩難偕行時乎遇寒凍乃
抱冰棱清端居喜博物匡坐擁書城豆花號腐婢小圃
垂媽嫗豐年百穀遂瓦缶縮且羸流傳勝酥作唱和如
同聲

陸放翁詩新壓
黎祁輒勝酥

岐亭凜殺戒刀机無異營

意林更出新語和予菽乳詩伴黃梅花見遺仍
疊前韻為報

叩戶送詩急有如裹芳鯖一門萃三俊正用臞翁評叔
也壓強韻灰裏撥陰鏗吾觀服食類以乳名最精石乳
誇丑座侈與金釵并茗乳潑南唐破睡心神澄若將菽
乳比儉薄應羞賴不聞郊廟祀嘉粟先粢盛已熟豆子
雨何減函牛烹漢竇實豪宗同出多異名

明洪武中慈
溪時銘季照

夢墨臺有
竇廣傳

熏胥竟自薦酒國方全生或襲鴟夷號亦冒

人銜行雖非他偏處終遜玉雪清君詩獨後勁偏師欲
乘城燒之蠟花枝佛妝綴燕嫔我亦怯穿縞敢恃突騎

羸誰言譜蔬食卻似聞軍聲
艸花且啜菽二事堪兼營

宋陳達叟蔬食譜豆腐條
淡煮蕪以五味為啜菽

冒寒肺疾復作偶誤食肉委頓數日意不如菽
乳之佳也四疊前韻寄敬身高士索和

鄒平鍊珍厨惟數膾與鯖我輩酸寒句俗子休嘲評物
小義斯大春麗兼鯨鯨食時持五觀無如菽乳精往苦
徐家肺不飲疾亦并得風輒呀呷晏坐妨幽澄燒豬偶
在御鼓頰如梨頰比日廢中食藥盃琉璃盛何惜三錢

握買取片玉烹似擇水中乳法味難強名淡成等良友
美疾違傷生況復詩家景每工說曉行金搖壁燈短店
開山月清異彼老餅師有暇唱渭城執爨霧中花力作
助吳嫔因思售者勞勝貧匪期贏力勝貧
出論衡而我晚失學
久負荒雞聲投箸起三歎媿此空屏營

十二月十五日雪中同敬身集谷林南華堂觀
蜀廣政石經殘本宋廖瑩中世綵堂刻韓集作

園林蕭瑟雲模糊鞦角相與尋清娛南華堂前好水竹

梅枝橫出爭盤紆六花高下舞巖岫似聽蟹爪行殘蘆
頃之灑粉漸照坐駝裘烏帽主客俱分茶說餅解寒色
天生一檜重屏圖周年似此頗不惡況觀寶刻開香厨
孟蜀石經僅一卷張紹文筆嚴形模周南疑誤辨朝字

怒如調飢石本作朝即古朝字

月令注釋亡哥奴

毛詩儀禮禮記俱校書郎張紹文書禮記

用唐明皇刑定本以月令為第一
李林甫奉勅注見晁氏讀書志

秋壑翹材有首選特

築世綵臨西湖雕鐫韓集稱善本紙墨精好久不渝降
王狎客兩寂寞等為亡國夫何殊流傳幸有經籍在千


秋差免謚至愚武林城中十萬戶纖兒綺榻圍溫爐雪
中那得二游合冷淡生活笑異趨詩成喚起鹿門子任
徐今不居東吳

奉題旌門桑孝子文侯先生抱錨圖

先生名
天顯

君不見陳遺錨底焦飯母是飴何如桑孝子父病錨底
煮肉糜父病噎胃神乾燥食漸不得下肉糜滑甘何如
羊脂入啗易化久之疾革欲進羊脂亦不可得人命一
何促難奪鬼伯手唯有抱錨哭霜氣穿破屋風聲吼喬

木鐺有耳不聞此悲哉抱鐺桑孝子



樊榭山房續集卷二

欽定四庫全書

集部

樊榭山房續卷
三四

詳校官侍郎臣謝墉

助教臣常循覆勘

總校官庶吉士臣朱 銓

校對官編修臣于 昂

謄錄監生臣汪致基

欽定四庫全書

樊榭山房續集卷三

錢塘厲鶚撰

詩丙

新正試筆次許初觀韻二首

以下
癸亥

春來光景盡依然，少壯心情可似前。
漸茁霜髭明鏡裏，自回青眼野鷗邊。
絃歌漫欲營三徑，書卷猶應悔十年。
留得梅花冰雪後，南鄰北里任熏天。

結習分明著意刪
置身逋客定僧間
無方醫俗誠堪恨
遇事稱佳亦強顏
鬱壘我纔勞紙墨
醉鄉君且小塵寰
閒中檢校關心處
除卻哦詩不復關

八日集施北亭齋中

一榼河橋踐宿盟
新年轉見舊交情
詩過人日陰猶在
簾受東風雨易生
魁陸美材關節物
卷波酒令入春聲
尊殘又送蘋洲別
無數青山逐夜行

時敦復之湖州

攜姪黼登吳山西爽閣望湖上霽雪

十日鴻雪天乍醒金鴉展翅光矚吟春寒留此幻玉在
急攜阿買行伶俜風扶兩腋上絕磴墮簷冰柱來殊庭
庭中萼綠華已破童子輟誦靈飛經西偏為我開小戶
翻身跳入申徒鉸全湖只在几席下峰圍銀浪搖窓櫺
頗黎盆盛新水滿中有璇館浮如萍城陰練練鋪萬瓦
蓋盡塵界濁且腥林梢陽燄動未動太素境欲還始青
眼前梨雲尚就夢畫裏竹葉看揚舲恐教歸去洞天閉
追摹憧憬忘真形笑渠序白乏奇語詩成唱與羣仙聽

顧丈月田遺羅浮丹竈泥

尋真高步向羅浮，曾向沖虛觀裏游。
九轉已成仙歲月，一丸猶帶晉陽秋。
虹光幾度巖頭現，赤堦今從掌上留。
學取方回封戶法，也堪獨往謝凡儔。

次韻顧丈首春臥病遣懷四首

無奈春寒勁折絲，劇談全似破枯禪。
泥乾久積庭陰雪，日薄遲生水際烟。
臭味相憐同故疾，心期取次得佳眠。
扁舟雙屐須料理，肯把風光讓少年。

熏爐未忍別奇溫誰識先生冷意存不用書蒙子公力
何曾裾撤季長門秦關跋馬峯形壯粵嶠褰裳海若尊
一笑枕中春夢醒祇如鴻爪了無痕

新年準擬暫開顏有約晴街散痺頑老境那能三好具

春光常是二句慳

昔人言一春好天氣不過二十日

茶勲藥福銷除病

選佛期仙占斷閒拚卻窮陰過買夜尚留梅月照屏山

覓句無妨一字貧蕭然硯北自由身眼空寓物非留物

齒冷逢人更閱人雨水已來芳草動麴塵漸放柳絲春

高車近見多傾覆不但長途畏獨輪

落梅二首用二宋落花韻

曲折疎籬亞字牆春風顛倒月荒涼吹來笛裏無窮恨
飛墜樓頭第一香漠漠烟中疑玉面鱗鱗苔畔即黃腸
綠陰青子差堪念不道空枝更可傷

老眼逢春益自傷花光寫貌最難忘隨風罷索巡簷笑
著地回思照水妝幾點鹿胎餘舊蹟一痕獺髓浣殘香
參橫為乞相思夢雲影依稀護石房

和沈房仲論印十二首

白玉摩挲衛青篆虞家題詠陸家收姓名偶爾存天壤

騎從何知是列侯

陸友仁有方寸小玉印文曰衛青虞伯生詩云將軍騎從公主時豈意刻

玉為文章

葫蘆宮井訪斜曛官印濃摹宣德軍閱過土花錢又趙

絕無屈曲少人聞

康熙壬寅予同吳尺鳧趙功千丁敬身鳳凰山訪古過葫蘆井畔老媪家

出觀銅印一鈕縱廣二寸許小篆文曰宣德軍節度使之印云淘井時所得欲買之堅不肯墨摹其蹟以歸明年重過老姬已亡印不知流落何地矣按周顯德六年從吳越王俶之請升湖州為宣德軍以王弟湛為節度

使吾子行云凡摹印屈曲盤回唐始如此今觀此印殆不盡然也

兵象輕將漢印論誰言好古是雲門行間別署軍司馬

狂草淋漓詫醉髡

雲門張紳云天下皆用漢印于名字之間陰文屬兵象大唐傳載云永州

龍興寺乃吳軍司馬蒙之故宅懷素嘗浚井得軍師馬印每草書用此為誌

四牋爭誇白石藏紛紛鍾鼎費評量好奇更有王都尉

卅字回環吐佛光

姜堯章有白石生四牋印王晉卿有小印文曰晉卿珍玩於卅字中回環

之刻

珍秘永存虛語耳明昌七印繼宣和世間名蹟俱塵劫

不見袁荊簿錄多

唐王涯有永存珍祕印金章宗明昌七印一曰內府葫蘆印二曰羣玉珍

祕三曰明昌珍玩四曰明昌御府嚴分宜書畫被籍入內府穆明昌中祕七曰明昌御府嚴分宜書畫被籍入內府穆宗時出以克武官世祿成國公朱希忠以善價得之從以餉江陵張敗又遭籍沒掌庫宦官盜出售之其入嚴氏時有袁州司籍官半印入張氏時有荊州司籍官半印

一自山農鐵畫工休和紅沫寄方銅從茲伐盡燈明石

僅了生涯百歲中

王元章始用花乳石刻私印見鎬續霏雪錄處州燈明石可刻圖書印見

郎瑛七修類稿

故瓦苔皴出未央曾傳金粟道人章時時韋帶穿為佩

真樂無如吾竹房

顧阿瑛偶得未央宮故瓦頭朱伯盛為刻金粟道人印吾子行有竹素山

房我最嬾懷真樂飛丹青數印印鼻小韋帶嘗在手弄之欲和其四角令有古意

閉關頌酒屬蛾眉已首夫人擅巧思不見雉皋雙窈窕

書中有女畫中詩

宋奉華劉妃有閉關頌酒之裔印予嘗見明妓徐驚鴻書扇印文曰徐夫

人皆以婦人用男子事徐更巧合又嘗見冒辟疆姬人金珮蔡含合筆畫紅梅玉茗小印文曰書中有女畫中

詩有

追仿蟲魚枉用猜底須獵碣辨纖埃祇宜規矩斯冰體

好為偏旁正誤來

何震密疎能結構文彭精巧更紆餘許

初徐霖歸文休

李流芳風流在善謔應推孫太初

太白山人孫太初印多自制時有方唯一

者眇一目而善謔孫為制一印唯一每書輒用之李獻吉戲題其上曰方唯一目印制甚曲信是盲人罔覺其俗唯一知而亟毀之印制乃朱文三字相連而橫界其中寓目字也見徐元懋古今印史

貴主當年重品題劫灰湏洞賸懸黎皜臣死後良工歇

切玉何人更似泥

予友趙飲谷曾得明樂安長公主小玉印篆刻極精予為作歌周櫟園侍

郎云自江皜臣死無復能刻玉者矣

絕藝吾鄉豈識真布衣前數顧山臣城南詩老推能事

肯刻龜螭與貴人

謂丁敬身

同許初觀游城北興福寺

寺為宋薛左丞昂捨花圃地建

新晴無伴與經行玄度能消世外情鄰叟誰知左丞圃

野僧不避太師名疎疎綠竹穿空地澹澹青山見隔城

漫道賢愚同是夢黨碑千佛至今榮

朱弁曲洧舊聞云國子監無名氏題

元祐黨籍碑曰千佛名經

三月三日同許初觀訪魯秋塋山長於敷文書

院即事有作二首

萬松難覓昔人栽勝地天教講席開嶺上白雲閒不出
湖中空翠遠還來先生正值成春服都養猶能治酒杯
醉向層巔問蘭渚越山如髮隔江隈

長風不斷送雄談上巳毋忘此盍簪詩國芳情花作骨
儒門淡味水回甘曲江名噪同秋賦禹穴書奇約晚探
乘興重來寒食近十分舊約看晴嵐

同少穆竹田敦復南漪飲吳山酒樓時桃始花
薄暮汎月歸諸君送予至西橋別去

青山繞郭宛游龍對酒烟光分外濃春入花枝燒客眼
望窮雲海盡吾胃懷人袖有三年字倚健身辭九節筇
歸艇市橋穿月影一時笑語最從容

時聞西顙
將南歸

徐丈紫山沒三年矣聞湖上故居名黃雪山房
者已拆賣於人雪樵有詩弔之予亦次韻

逸氣凌霄一劍飛眼中人物似翁稀百年無地悲華屋
萬古空山隕少微春雨如聞吟屐響夕陽不見釣船歸
門前鴨腳青青在為訪遺蹤淚滿衣

題沈石田蹇驢覓雪圖

兩崖對矗寒空峭霽色雲端迴相照瀑冰挂折板橋低
千丈玉龍尾不掉山腰居人下無路孤風兔遠迷竇窾
疎林欹倒深磳埋獨凭危闌展孤眺長耳衝風前為誰
袖裏鞭梢若垂釣後者據鞍自呵手涕凍鼻中強為笑
乾坤清氣入詩脾口不能言領其妙君不見歇後鄭五
作相時心腸冷落無人知風雪灞橋驢子上何如二十
四考居台司又不見黃山先生句得髓圭璧絮鹽良可

已詩名世號趙蹇驢何如頭鵝獻罷吟春水昔年眯眼
輒塵紅鑿冰不到河伯宮寒風密雪郭熙畫張之秋暑
銷熾熾丙辰秋日在長安觀郭熙寒風密雪圖於徐亮直太史席上此圖物色將毋
同眼明今見石田翁安得人間五六月移置密雪圖
當中我當為文策拜廬山公

寒食同少穆初觀城南看花用東坡上巳日攜
酒出游韻

熟食例多潑火雨江吐微雲徧村塢三點五點欲霑衣

見慣山童不我侮
雨收沙路輒且平
斜上層岡勢交午
林中百舌哢春聲
似與游人相爾汝
遺民那記白雁來
近岫猶看青鳳舞
東風吹逐美人魂
楊妹劉妃心獨苦
叢叢幻出淡燕支
似倚牆頭懷故主
微聞流水響佩環
邀取新蟾鬪眉嫵
意行復入古梵宮
礎斷方花臥黃土
西番佛塔滅遺蹤
廢井枯棹灌蔬圃
黑龍飲器閔金陵
真帖蘭亭迷處所
木波不見老講師
畫壁烟銷執爐女
一十六年追昔游
存歿關心首為俯
吳鬼袁舒沈欒城子

已泉下泉下傷春寂無語杭子

大宗

上書方待罪丁

敬身

趙

功千
意林

棲遲掩衡宇荒祠依舊祈蠶官漠漠輕陰咽簫鼓

重來白髮映花紅只有尊前周與許平生不數蔡克兒
送抱推襟兩無阻憑君妙句發天慳歲既晏兮孰華子
次韻顧丈月田以羅浮竹葉符見贈

我生探奇心未暇歷幽竈側聞羅與浮合離冠海嶠劉
仙有古壇解種不秋草

金人馬天來賦竹句
云人天解種不秋草

亭亭挺琅

玕主人後天老夜吸沆瀣杯揮毫向翠葆淋漓太平符

糾繆龍蛇繞至今留靈蹤葉葉出意表蟲蝨并蝸篆屈
曲疊微眇可遇不可求詎屑釵頭裊閒居窮山經類不
遺細小晚逢丈人厚詩格倍精好先以丹竈泥圓如炙
堪較次第贈數翻片碧觀天巧書癡笑識字學媿蟬魚
飽何況雲雷文多怪緣見少更聞玉局翁灑墨亭山曉
竹間葉點斑感物豈異道安得手摘之與此為二寶
東坡
過瑞昌亭子山題字石壁點墨竹葉上至今環
山之竹葉上皆有墨點出僧道璨柳塘外集
願尋絳
囊佩同試鹿盧蹻虎豹跡俱潛鴻蒙首初掉翔翔雙髻

峰名嶽恣搜討問年將書亥禁飲休犯卯齋心訪隱訣
一御籙龍矯再乞安期蒲坐令白髮掃

原作

仁和顧之珽搢玉

羅浮耀南離巖崿深且竊玉乳與金膏隱現半霞嶠
陽崖產肉芝陰澗生朱草遇之一採茹換骨能不老
所嗟塵世人入目等蓬葆常聞十三峯籠蔥萬竿繞
圍徑二十尺其長蟲雲表作箋環無端節目窮要眇
葉大如芭蕉風來綠裊裊更有劉仙壇符竹卻瑣小

高祇數尺強單複各佼好一葉兩葉中篆籀若蟲齧枯
腴自區別紋畫甚僂巧余昔展袞步探歷未曾飽今以
轉贈君博物理難曉云可辟不祥符錄有至道稚川載
登涉引據按靈寶

抱朴子登涉符引靈寶經以保日義日為吉

入山宜佩之

舉足任蹻蹻精鬼俱遁藏虎狼皆震掉留俟五嶽游
幽竒遂編討毋須擇天禽

書符以天禽日宜入山

不待覓剛卯

諾畢及太陰祕祝多偽矯惟有攜此符諸術盡可掃
清明後一日魯秋塋招同顧丈月田許初觀看

花山中分韻

城南約在許再攀風磴直上磬頭山故人喜作此山主
看花不用開門櫺緣坡蜿蜿得細路長紅小白爭妖嬈
玉壺臺邊富奇石一花一石相回環花梢湖影展曉鏡
諸峰浮渲梳新鬟風光如此可不飲酒脯更破先生慳
興酣花下或成夢夢作蝴蝶飛翩翾我輩幸無世網縛
豪氣豈受名流謾笑看修竹有彈事合羨野鷺多清閒
芳時晴景古難得處處拜埽呈膏糴只愁明日風雨驟

碧翁善幻如黎軒吳牋襍就字草草醉語請君方便刪
次日顧丈載酒邀同少穆初觀就飲秋塋於山

中同用昌黎山石韻

宿雲巖際光熹微昨日花好今日飛初飛幾片花尚好
莫待綠葉枝頭肥人云虎頭最癡絕迎繁送謝世所稀
挈壺攜榼到故處愛花汲汲忘朝飢空山寂寞二百載
但有弦誦闕林扉天賒勝事在今日紅粧素萼吹霏霏
狂歌豪句裂崖石轟飲一解酸寒圍酒痕未洗此又浣

莫惜白苧裁春衣長恨古人不見我六龍義御無停轡
請君試聽陌上曲斜陽自逐香車歸

西顥自都下歸里數日即有閩中之行詩以送之

一尊三載得相同過嶺輕裝趁曉風舊雨能來今雨外
歸程并在客程中舉羶書好才稱捷橫槊詩成氣自雄

時容將
軍幕府

春盡到逢丹荔熟平安先報海天東

題周少穆所藏馬和之小景二首

畫上有楊妹
子題云雨洗

東坡月色清市人行罷野人行莫嫌聲確
坡頭路自愛鏗然曳杖聲東坡黃州作也

六飛當日駐錢塘曾畫毛詩馬侍郎五百年來遺墨盡
秋林曳杖見吳裝

便娟小楷媚多姿似見楊家弄筆時南渡已無文字禁
宮闈也愛寫蘇詩

諸公詩來兼詠山石予詩似有未盡再用前韻
賦一首

畫水最數孫知微崩灘駭浪勢欲飛畫石最數畢京兆
深坳淺凸瘦不肥誰知石亦有水勢萬松嶺上見者稀

突如灩澦數閉屋險如盤渦掉蛟飢軒然大波逼簷際
諦視始覺居巖扉山中之人以為玩飽此朝暉與夕霏
今辰分取更供客青鞵同闔書城圍看花酌酒枕石臥
白雲冉冉生我衣山空晝寂衆禽響嘲客徒步無金鞵
金鞵不若徒步穩醉踏花影散斜歸

穀雨前一日同顧丈月田周少穆金壽門丁敬
身施竹田吳敦復張南漪泛湖二首

落花片片點衣斑湖上佳游尚未閒人影不離春水舫

詩愁都在夕陽山
漁莊歎乃烹尊去
僧院留連試茗還
為謝垂楊如舊識
白頭慣見舞弓彎

年時春思盡銷沉
老去湖山興不禁
擬拜東風侯萬戶
誰遮西日價千金
梨花酒熟江城晚
杏子衫輕水寺深
容易隄邊各分背
數峰平遠又成陰

同作

錢塘
吳城
敦復

三分春色漸成空
猶有殘花爛漫紅
病酒不嫌新戶
減看山更喜舊游同
雨前槐火催煎茗
扇底香塵暗

度風如此晴湖應見慣尊前大半白頭翁

同壽門敬身登寶石山天然圖畫閣予不游此
已十四年矣用前韻題壁

山樓孤絕少人登妙友同凭記昔曾林氣暖時濛似雨
湖光空裏淡於僧畫尋白石無殘墨

沈啟南
曾寓此

榜牘樗寮

有瘦藤

湖山勝槩扁
張即之書

十四年來筋力減峰頭直上笑猶

能

桑菰甫水部買得元人百家詩後有小牋黏陳

氏坤維詩蓋故家才婦以貧鬻書者惜不知其
里居顛末爾讀之有感次韻一首并徵好事者
和焉

姓字深閨豈易知偶傳紙尾賣書詩難追寫韻仙家事
應共牽蘿絕代悲彤管更添高士傳墨卿別注有情癡
迴腸似共縑緗往惆悵令人展卷時

原作

陳坤維

典及琴書事可知又從案上檢元詩先人手澤飄零

盡世族生涯落魄悲此去雞林求易得他年鄴架借

應癡亦知長別無由見珍重寒閨伴我時

丁巳又九月九日廚

下乏米手檢元人百家詩付賣以供饘粥之費手不忍釋因賦一律媵之陳氏坤維題

訊筠谷足疾

杜門計好合逡巡謝遣庸醫病未真宗少文為臥游客

白居易作坐禪人

香山詩足輒妨行便坐禪

枕邊書卷欹翻午樓上

花枝遠望春猶有不妨談笑處祝君將護長年身

足疾臥床已閱一春穀雨日蒙樊榭枉存并慰

以佳什次韻率

錢塘鄭江璣尺

無復澆愁酒數巡科頭偃臥任天真讀書未必窺全
豹閱世誰憐號半人重惜鶯花三月暮空辜平遠一
樓春勸君努力追惟賞領畧風光現在身

廣陵同人招集花畦看芍藥四首

三三徑在豔香中窗戶玲瓏一水通尚有江南寒意思
留人四月賞芳叢

又是揚州櫻筍時三年前事費尋思重來也擬修花譜

不道劉郎鬢有絲

分畦結屋祀花姑
金剪甘泉雅稱無
為向惜花人說道
曉來風露不禁扶

風吹笑語隔簾波
畫舫輕移此處過
我與王郎載揚同是

客玉杯情重主人多

漢銅雁足鐙歌為半槎賦

槃下銘云竟寧元年
護為內者造銅雁足

鐙重四斤十二兩護武
當夫霸掾廣漢主石丞
賞守令廉護工衣史不
禁首山宮內者弟升五

受內者

蒲阪首山青逶迤黃帝鼎成龍胡垂戰且學仙事絕奇
茂陵劉郎始祝釐流傳奕葉敦書詩猶崇祀典敞雲楣
妍蛾無婢夕侍祠金釭如虹摻手攜望靈之來月出時
神光下屬風披帷翩然而逝不可期勞心悄兮煎蛻脂
陰精沙麓祚始衰效祥安得齋房芝後代蛤彩瑩瓊肌
不照綠綈方底兒此鎰行第人見之細數瑤瑟彈冰絲
銘字儼如沙畫錐內者嗇夫掾丞今年是竟寧嗟已竟
制器尚象古示儆隨陽有序亦天性銅花涵碧秋水淨

雅勝羊頭與鳳柄夜涼可親宜放鄭千年
瓠史寄閑評
君家自發短檠詠

五月二日集小玲瓏山館觀李遵道古木幽篁

圖

款云至治癸亥十一月廿有
五日薊邱李士行遵道製

溽暑集林亭軒窗喜堦爽黯慘尺幅中風枝互偃仰此
君近醉日晚筍穿幽壤因依青銅柯挺挺絕無黨要之
氣味同詎作榮枯想薊邱名家子畫法不可兩筆傳金
錯刀格肖珊瑚網盤根積溜痕密葉分泉響題字正癸

亥事與年篇往駛雨送微涼偏宜今日賞

同人攜茗集張漁川齋中試惠山泉用涪翁韻

吳客遠來好風俱扁舟載泉兼載書梅龍貪睡鞭不起

分得數斗蘊塘珠鬪茗須鬪芳而腴羣賢列坐鐺腳如

嗟予微疾不能飲湖目但思蓮子湖

子以病戒茗煎蓮子代之

同作

臨潼

張四科 漁川

平泉飲水置驛俱好事應得牽聯書瓦罌遺我作茗
會旗槍鬪試湯翻珠舌本小啜甘露腴米老稱兄我

亦如當前一任傖父誚渴吻直欲無江湖

漢銅龍虎鹿盧鐙歌為敬身作

銘四字曰
宜子孫吉

今年曾詠雁足鐙新詩傳唱滿廣陵歸來江上訪高士

又見一鐙奇可稱鐙似舟形本無足亦非錠中堪置燭

呂靜韻集無足曰鐙有足曰錠
徐鉉云錠中置燭謂之鐙偃則為蓋仰為盂孟乃有

味中有軸鹿盧一轉一惆悵心在兩京千載上焚蘭照

影復何人可憐漆炬迎幽壙孟底鏤文出良手青瑊素

威分左右

後漢書張衡傳左青瑊以捷芝
右素威以司鉦注青龍白虎也

銘銜三字宜

子孫子孫今日知誰某廬江李氏昔得一獨少義文片
辭古江淹漫歎庶人鐙充庭艷帳何堪述與君莫師無
眼禪頂禮白石蓮花前燈傳無盡詩無盡試與佳兒誦
此篇

曲陽孫晴崖明府寄唐北嶽廟李克用題名碑
拓本

咸通以後唐運徂黃家日月誇休符狂童犯順據帝座
天子下殿奔成都淮南節度靜如死滎陽相國憤不蘇

易定將軍哭隨駕號召大帥行天誅雁門九郎勇蓋代
義兒奮迅生馬駒望春宮前蹴踏處沙飛瓦震相吞屠
都都統論功第一收城建義應無殊翠華自此亟返正
王公封賞懸非誣英雄不殞上源驛力為姻舊親援枹
膽落幽鎮兩兇豎講和解甲歸飛狐猶恨汴讎未遽滅
矯首東望鬱以紆是時道出安天廟同申祈報憑靈巫
誰知光嶽已分裂惟有正直神所諭銀鉤鐵畫隴西字
多年風雨龜埋趺我友牽絲政優暇命工構屋看重扶

一番拓寄正炎夏凜凜勁氣生眉須

秋齋夜宿

新秋未徂暑夜氣先侵簟空館心悄然求夢翻成魘醒
聞竹聲喧播蕩仍掩斂祇有故時簾因風時一颭

次韻敦復秋夜有懷堇浦

秋夜懷人百不宜憐君去國意遲遲上書北闕身無補
祖道東門鬢有絲鶴睡已知更幾轉蛩吟漸覺歲將移
歸來仍是南村伴酒醺燈明共賦詩

題友人讀書圖

人言明山賓讀書何堪官君胡讀不輟豈樂在考槃不
見當路子百年但笑端臧穀等亡羊我自惜跳丸仲任
苦閱市令狐常借看況此籤帙富津逮知非難是身榔
子大萬卷何處安憎人異郝公中有渤澥寬

秋夜不寐

蕭然欹枕有餘清疑是千林訴不平一室青燈和月暗
滿空涼雨挾潮鳴心依故處偏多感秋入衰年最易驚

只恐明朝攬圓鏡白鬚新見兩三莖

七月五日滿月精舍同汪旭瞻坐雨用東坡韻

二首

人生違鄉閭膠擾徇所務念子歛浦來寂寞早秋度相
從問字餘香飯青蔬煮坐聽窗前竹雨腳喧萬縷風
驅雲行西一席天影露起祝盃底龍四野待傾注

雜樹響城隅蔓草泣城上此間夜色幽想見佛燈亮既
霽行歸休野水有微漲緬昔白駒張畚築事一餉

杭城為張

士信重築東城拓地
三里至今曠如郊外
閱人寧足計望古吾
何愴長歌敵
秋氣放士老更放

西林過滿月精舍

不見幽人久香林興獨乘學多先識字年長欲依僧竹
影掃空壁蟲聲棲壞塍秋蟾圓幾夕靈鷲約同登

齒痛

齒剛每先折古語良非虛病因從口入致此溯厥初吾
生歷荼苦嗜甘迺其疎見飴若養老得蜜如瘡除遂令

齟齬內有妖為安居齧似蛀虫石動比飢餓車秋來忽
作楚呻吟廢翻書五十又過二早衰惜居諸世味已飽
諳長此安齟齬但憂即漸墮蹶然無復餘少留了殘齏
丹朱許我歟

龍魚河圖云
齒神名丹朱

雨中金燈花

盡日淒涼雨叢花照素秋碧檠看最瘦紅艷欲俱流有
淚長門夜無人小院幽更憐湖畔路翠燭冷颼颼

秋曉同旭瞻湧金門外渡湖至金沙港

山游屢有期人事每牽紕昨因林僧約尋食興始決適
茲積雨餘天水共澄澈宿雲脫諸峯秋鏡眉影列我舟
截其中秀色飽攬擷俯窺魚乘空樂意兩無別環洲渺
荷菱樓臺互明滅去去最宜人涼蜚鳴不輟

行春橋道中

石橋橫澗曉登登臨水時逢洗鉢僧踏破秋光入松影
不辭路滑訪南能

游靈隱寺巨公飯予於面壁軒

去年秋雨聲蕭颯面壁軒中寄禪榻
曉起推窗失四山
白雲正涵神尼塢今年秋霽風灑然
鏤頭重舉舊因緣
隨時喫飯看山坐不是諸方五味禪

巨公重建春淙亭於清統橋詩以落之

高僧能復古結構樹陰間倚檻宜聽水
登橋好看山
魚隨落花出龍帶晚雲還只在斯亭
下來春勝占閒

下天竺寺後尋三生石

秋滿空山草樹平澤公遺蹟此經行
風篁解笑有真意

蒼石能言非俗情浮世無端傷往事故人何處話三生
裴回欲問林間笛桂子峯頭待月明

書柘湖張龍威長短句後二首

踪跡江湖燕尾船一回相見一流連新詞合付兜娘唱
可惜紅牙久寂然

樂笑翁今不可回補題五闋屬清才薛家鏡子塵昏後

悽絕何人喚夜來

龍威有和予續樂府補題五闋其天香賦薛鏡云粉潔休磨塵輕不染識

取夜來名字深有感於予懷也

堇浦歸里同諸君過報國禪院池上分得時字
故人罷官歸水月同襟期秋聲了不聞如僧退院時坐
石鳥下樹叩檻魚出池夕陽沒荒城歸去無人知

夕次石門

望望石門縣秋烟路欲迷村深忘遠近月出辨東西桑
影過橋密蟲聲傍水低吾衰怯風露敢後暝鴉棲

過嘉興

不到禾興郡於今又八年尖頭學繡塔平底載花船波

冷鴨羣語風高鷺獨拳只除鬚鬢改何處不依然

曉登虎邱別戴綸長

風吹青桂枝石徑何嫋嫋言登千人坐放眼閱清曉片
月尚樓角初陽已塔杪香殿上盤旋飛梁俯幽窗兩崖
裂秋碧槭劍天影了直臥古樹深倒聽墜葉小地勝忘
羈游心清絕魔嬈故人此為別益我迴腸繞遙知陟層
顛雲帆在縹緲

晚過梁溪有感

九龍之山山九峰峰峰晚秀凝雲松我見青山輒心喜
青山見我如為客廿年來往梁溪道可憐不見青山老
繭紙題詩此際同竹爐煮茗當時好三面看山暝色催
舊游零落使人哀

昔年惠山主人汪上舍青渠王吏部弱林俱已物故

依稀第二

泉邊路半在蒼烟落葉堆

嶰谷以棲霞僧所送木瓜見贈

昨日繖山山有信秋黃新摘滿林烟氣含酸味偏宜客
形借癭名合近禪一種苞苴足幽事十分熏習伴無眠

裁詩為憶明居士更擬抽帆上寺前

九日半槎招集行菴以仇英畫淵明像為供分

得歸字

天公惜重九昨雨今朝暉出郭有成約小築傍禪扉蘭
闌一彈指密林翠四圍刁調無罷風將作煨黃飛撫時
共清歡几榻含幽微慨然想陶公妙畫猶依稀如詩枯
而腴相者空舉肥采菊薦一卮願為公白衣俯仰千載
下人事多繆徽此中有真意非公誰與歸

同授衣廉風游建隆寺用沈傅師游道林嶽麓

寺韻

在揚州城北宋太祖征李重進駐蹕於此初建為寺

淮南訪古難盡論出郭坦迤馬可奔忽聞寺擅大宋號

一林黃葉開祇園當時李氏此重鎮雕青天子宅相尊

病龍上升帝命改戰功猶憶超何樊

樊愛能何徽

比肩事主

趙點檢肯為泥首延朝昏親征致煩黃屋駕禪枝更閱

七萃屯殘碑臥地字暗摸顏垣掘斷無三門山僧去後

佛火滅餘憤夜照荒燐痕歐史不書韓睦眼議論誰復

能歸根圭齋別立三臣傳大快人意醕滿樽房陵半伏
瞥眼見陳橋一詔隨風翻圓通寮中袒背字重圍何術
能騰軒贊寧續傳載云開寶末江州圓通寺旦過寮中
有客僧將寂滅袒背以示其徒有雕青李重進
三莫言幻境等空寂綱常足以扶黎元

樊榭山房續集卷三

同授衣廉風游建隆寺用沈傅師游道林嶽麓

寺韻

在揚州城北宋太祖征李重進駐蹕於此初建為寺

淮南訪古難盡論出郭坦迤馬可奔忽聞寺擅大宋號
一林黃葉開祇園當時李氏此重鎮雕青天子宅相尊
病龍上升帝命改戰功猶憶超何樊

樊愛能何徽

比肩事主

趙點檢肯為泥首延朝昏親征致煩黃屋駕禪枝更閱
七萃屯殘碑臥地字暗摸顏垣掘斷無三門山僧去後
佛火滅餘憤夜照荒燐痕歐史不書韓瞠眼議論誰復

能歸根圭齋別立三臣傳大快人意醕滿樽房陵半伏
瞥眼見陳橋一詔隨風翻圓通寮中袒背字重圍何術
能騰軒贊寧續傳載云開寶末江州圓通寺旦過寮中
有客僧將寂滅袒背以示其徒有雕青李重進
三莫言幻境等空寂綱常足以扶黎元

樊榭山房續集卷三